

<p>SENARAI PEMBERITAHUAN PRODUK – INSURANS JENTERA PERNIAGAAN & PERALATAN (Sila baca Senarai Pemberitahuan Produk ini sebelum anda membuat keputusan untuk mendapatkan <u>Insurans Jentera & Peralatan Perniagaan</u>. Pastikan juga anda membaca terma dan syarat-syarat am yang terkandung di dalam polisi).</p>	<p>Rujukan Kami : 01/01/2010 Nama Penawar Khidmat Kewangan : Uni.Asia General Insurance Bhd.</p> <p>Nama Produk : Insurans Jentera & Peralatan Perniagaan</p> <p>Tarikh :</p>
--	--

1. Apakah produk ini?

Insurans Jentera Perniagaan & Peralatan adalah satu pelan insurans yang melindungi kerugian atau kerosakan pada semua jentera dan peralatan yang diinsuranskan terhadap kontinjensi atau peril.

2. Apakah perlindungan/ manfaat yang ditawarkan?

Polisi ini memberi perlindungan untuk semua peralatan tidak bergerak dari kerugian atau kerosakan yang disebabkan oleh:

- Kebakaran dan kilat
- Kerugian atau kerosakan akibat kemalangan
- Kecurian yang disertai pecah masuk daripada sesebuah premis dengan menggunakan kekerasan dan keganasan sebenar.

Tempoh masa perlindungan adalah selama Satu tahun. Anda perlu memperbaharui pelan insurans setiap tahun.

3. Berapakah premium yang perlu dibayar?

Jumlah premium yang anda perlu bayar berbeza bergantung kepada pelbagai faktor, termasuk jumlah diinsuranskan, skop perlindungan, jenis dan umur jentera dan peralatan perniagaan yang diinsuranskan dan lain-lain.

4. Berapakah yuran dan caj-caj yang perlu dibayar?

Jumlah yuran dan caj-caj yang perlu dibayar adalah seperti berikut:

Jenis	Jumlah
Komisen yang dibayar kepada agen insurans	25 peratus daripada jumlah premium
Duti setem	RM10.00
Cukai perkhidmatan	5 peratus daripada jumlah premium

5. Apakah terma dan syarat-syarat utama yang perlu diberi perhatian?

Terma dan syarat-syarat utama yang perlu diberi perhatian ialah:

- a) jika berlaku tuntutan, anda mesti memberi notis secara bertulis dengan segera, dan menyatakan sebab dan tahap kerugian atau kerosakan.
- b) jika terdapat perlindungan insurans lain yang melindungi harta yang sama, Syarikat kami tidak akan dipertanggungjawabkan untuk membayar lebih dari perkadaran setimpa bagi kerugian atau kerosakan sedemikian.
- c) semua jumlah yang telah dibayarkan harus dikira dalam penyusutan daripada jumlah diinsuranskan yang tinggal oleh itu dalam mana-mana tempoh insurans, jumlah diinsuranskan tidak melebihi jumlah diinsuranskan yang dinyatakan di dalam Jadual.
- d) sekiranya jumlah diinsuranskan bagi hartabenda anda adalah kurang daripada nilai sebenar pada waktu kerugian berlaku anda harus menanggung sendiri perbezaannya .

6. Apakah pengecualian utama bagi polisi ini?

- a) kerugian atau kerosakan yang disebabkan oleh kerosakan atau gangguan operasi mekanikal pada hartabenda.
- b) kemusnahan atau kerosakan pada mana-mana bahagian hartabenda disebabkan oleh pembakaran sendiri, kerosakan elektrik atau kerosakan akibat penggunaan secara berlebihan.
- c) Kerugian turutan yang disebabkan oleh kemalangan atau kerugian atau kemusnahan atau kerosakan pada hartabenda yang diinsuranskan.

d) kerugian atau kerosakan yang disebabkan oleh bahan senjata nuklear.

(Nota: Senarai ini tidak lengkap. Sila rujuk kepada polisi untuk senarai penuh pengecualian bagi polisi ini.)

7. Bolehkah saya membatalkan polisi saya dan bagaimanakah caranya?

Anda boleh membatalkan polisi anda pada bila-bila masa dengan memberi notis 14 hari secara bertulis kepada syarikat kami. Setelah pembatalan dilakukan, anda layak menerima bayaran balik premium berdasarkan kepada tempoh insurans yang belum luput. Walau bagaimanapun, sebarang bayaran premium minimum yang dibayar bagi polisi tersebut tidak akan dibayar balik.

8. Apakah yang perlu dilakukan sekiranya terdapat perubahan pada maklumat surat-menyurat/maklumat peribadi saya?

Adalah penting anda memberitahu syarikat kami sekiranya terdapat perubahan pada maklumat peribadi anda. Ini untuk memastikan semua surat-menyurat dapat dihantar pada masa yang ditetapkan.

9. Dimanakah saya boleh dapatkan maklumat lanjut?

Sekiranya anda memerlukan maklumat lanjut, sila layari laman web kami di www.uniasiageneral.com.my atau rujuk kepada pejabat cawangan kami.

Untuk sebarang pertanyaan, sila hubungi kami di:

Uni.Asia General Insurance Berhad
Tingkat 9, Menara Uni.Asia,
1008, Jalan Sultan Ismail,
50250 Kuala Lumpur.
Talian Bebas Tol: 1-800-888-990
Tel : 03-2693 8111
Faks : 03-2693 0111
www.uniasiageneral.com.my

NOTA PENTING:

ANDA MESTI MEMASTIKAN BAHAWA HARTABENDA ANDA DIINSURANSKAN PADA JUMLAH YANG TEPAT. ANDA DINASIHATKAN MEMBACA SERTA MEMAHAMI POLISI INSURANS DAN BERBINCANG DENGAN AGEN ANDA ATAU MENGHUBUNGI SYARIKAT INSURANS SECARA TERUS UNTUK MAKLUMAT LANJUT.

Maklumat yang diberikan di dalam senarai pemberitahuan ini adalah sah bermula Mac 2010.